

商書集說



64877

香雪巢詩鈔卷之四

江都徐兆豐 乃秋

夜直四知堂傅蕙友比部譽孫過訪即贈癸未

有客虛堂過歡然倒屣迎鑪香深夜永月色上元明時正月十

日作宦同羈滯比部輪應江論交見性情燈前身老大一

事愧無成人

之子年英妙靈鍾漢水濱夙承過庭訓自是有名人淮海

揮毫捷洋川寫景真比部工詩兼擅墨竹天教諳吏事不讓作詞臣

贈題墨梅畫篋贈吳竹樓茂才筠孫

香雪巢詩鈔 卷之四

鐵骨冰心玉雪膚生來品格眾芳殊君家自有三珠樹可

許臨風寫照無謂令兄敏農福茂

之子題先嫂劉恭人登舟誓志圖後并序

事幼恭人幼字先少雲兄為室道光十六年兄以瘵亡

恭人聞耗即日過門成禮哀感行路先伯雲甫公

為繪此圖以表彰之二十九年卒與先兄合葬殷

家湖先塋側其他行實詳載家乘不備述是圖中

更粵匪之亂幸未遺失光緒二年豐在京師徵詩

重付裝演今年春先兄繼子懷芳書來敦索因以

歸之並記恭人軼事於後蓋距今四十八年矣懷
芳其敬謹藏之傳之子孫永爲家範云

垂髻記仰郝鍾儀又值焚香展卷時尙憶喜談貞孝事懷

然生氣愧鬚眉恭人在日喜談貞孝故事家人環聽有感動泣下者豐幼時猶及親承訓誠云

綽楔恩榮里黨誇至今苦節重吾家當年茹蘖餐冰地留

得冬青一樹花粵匪之亂宅燬於火恭人昔所居處忽生女貞一株今已高出牆外殆苦節幽芳自

相感召感

和作

黃岡洪良品右臣

鬢髮垂垂實我儀青燈照影斷腸時終隨地下雙

香雪巢詩鈔卷之四

飛翼何必生前一畫眉

青陵樂府築臺誇劫火摧殘季海家祇有冰心燒

不死凌霜開出女貞花詳原註

次毓才兄出山詞原韻兼述鄙懷卽以誌別

此生未許老樵漁忽報登程片紙書泉石幽情曾寄傲澄

清素志又驅車留心時局肩難卸聚首天涯樂孰如一別

京華剛廿載兄於甲子歲選授石首知縣方出京巢痕憶否昔年居

去任何心宦海身武昌魚勝後湖蕻六橋風月樓頭夢一

曲梅花笛裏人兄本以道員指發浙江前歲購得西湖望湖樓故址有詩紀事今復改歸湖北舊

部兒童還識郭使君豪氣未輸陳阿連恰愧衰顏甚五十

年華鬢似銀兄年近六旬鬢髮較豐既多且黑

自笑西曹逐隊勞迂儒何術贊蘇皋馮唐老去名心淡方

朔饑來薄俸叨無分簪毫依日下敢因治獄望門高時提

未報家聲此會應重振一路棠陰戴節旄

姓名上考記綸扉兄前官湖北會膺卓異那忍蒼生願望違十載鴻

泥尋舊印九霄雁影恨分飛荆襄但使安磐石猿鶴何妨

任詆譏不是閒身閒不得莫因松菊再言歸

毓才兄見贈留別四章次韻奉酬有序

香雪巢詩鈔 卷之四

豐既和出山詞兄復賜七律四章命和詩中慰遲

暮勵勤勞而終以白首偕歸青山共隱為望循誦

再四感激涕零勉步原韻奉酬撫境興懷已不禁

神遊於邗溝蜀嶺間矣

離筵開處整歸裝共此連宵燈燭光翻為愆期容小佳既

候同行汪君那堪惜別是他鄉主人北道慚難稱佳句西

堂永不忘未必儒冠偏悞我今生福分本尋常

看人沆瀣九霄餐一墮塵寰解脫難但使猪肝能自給底

須雞肋戀微官中年白髮頻催老舊業青氈敢說寒十口

至今仍寄食多君善護滿階蘭

豐諸弟皆賴兄教養

六十懸車莫訝遲思量對宇望衡時柴門策杖聽田水柳
岸投竿理釣絲花萼共編詩數卷芳園同醉酒盈卮此心
早逐君歸去問到歸期未有期

秋來歲歲負鱸魚鄉味空教齒頰餘苦憶雙柑攜仲若只
愁四壁賸相如雲樓露井皆刑部舊蹟還羈跡月觀風亭待卜
廬握管先賡招隱曲他年準共詠歸與

原作

匆匆電報促行裝千里來觀上國光敢冀聲華騰

香雪巢詩鈔

卷之四

四

晚歲最難兄弟遇他鄉客中作主君何敏賓至如
歸我亦忘意外天風吹聚首西窗兩月話家常

臨行不獨勸加餐鄭重西曹讞獄難但矢丹心重
民命莫愁白首困郎官釀成雨澤膺時望勒住梅

香耐歲寒

弟善畫梅故以爲譬

且喜桑弧嘉瑞近門庭指日

報徵蘭

八年一會太嫌遲又是驪駒欲唱時薄宦笑余官
似蝨中年憐汝鬢成絲離懷怕聽琴三疊別緒多
斟酒一卮此後相逢問何日除非京秩有遷期

游蹤再食武昌魚，況味真成嚼蠟餘。有限夕陽兒

最惜無涯宦海弟，何如十三樓半新添埕廿四橋。

頭好結廬近日揚州修葺園林弁重擬把菟裘先

築就待君花甲賦歸與

寓齋書懷次鶴巢觀察自述七律一章原韻卽以代

柬

振觸離懷古渡頭，開函忽又想東游。昨送毓才兄出兼葭

極目程千里，松柏盟心歲五周。戊寅夏日與君訂交京寓有同耐歲寒之約人

到中年難自遣，家無半畝那能休。與君同是搜麈網，無奈

香雪巢詩鈔

卷之四

五

愁腸且自揆

粉署班中畫省頭，近來已倦宦途游。敝裘空自慚蘇季火

色，誰能識馬周。顧我蹉跎三可惜，看人騰踏百宜休。如君

會有逢時日，姓字終教夾袋揆

接毓才兄自天津所發手書並寄示出都口號四首

賦此奉酬

別意縈回酒一樽，平安書早寄津門。開函讀到傷心語，又

向風前拭淚痕。前送兄至郊外彼此揮淚而別今讀至別路三千年半百之句又不禁淚潄潄下矣

鳳城東去客程賒，到此魂消況一家。不待別來經歲月，眼

前分手卽天涯

郎署浮沈似轉蓬區區得失亦雞蟲知君望我仍憐我都
在臨歧不語中

歸期屈指菊花秋好共紅橋白塢游只恐使君留不住乘
風又駕楚天舟

原作

連宵振觸悵離筵強作歡娛慰阿連忍到臨歧無
可忍一聲驪唱淚如泉

男兒分手事尋常何事登車百結腸別路三千年

香雪巢詩鈔

卷之四

半百驚心彼此鬢成霜

天涯骨肉宦游身聚首匆匆兩月辰除卻值班三

十日六旬只算會三旬弟官提中每月必值班半月

荆花暫合轉生愁此後何堪八載秋余與弟已或別八年矣

者天風吹意外送將秋雁下揚州時弟有秋後乞假南旋之議

生第四女口占五律二首兼寄蓉舫毅臣兩弟

無子頻生女還聯叔季行余原配張恭人生女二今內子許恭人亦生二女百年

將及半兩鬢已成蒼結實花凋謝今夏石榴着花一徵蘭

夢渺茫前毓才兄贈詩有門庭指日報徵蘭句不堪樵髻婦竟夕意悲涼

自願身如寄燈前一惘然宦游愁對汝嫁畢問何年風水
關先壠艱難共阿連望孫情更切奚以慰重泉近有堪輿
家云先
塋不利添丁故余諸弟
亦未有子其信然耶

傅蕙友比部索畫墨梅並屬題句

二十五洞天修竹不知數中有樵者居愛竹得竹趣

君自號二

十五洞天
小樵者

如椽筆一枝攜向金門任公餘一揮寫筆力透

縑素

注見前

賤子學塗鴉愧未盡理悟君昨出素篋索梅兼

索句朝來寫橫枝斜傍孤山路老幹苔紋皴寒苞凍影泐
空腸適得酒不覺芒角露顧余樗散材偃蹇仍如故本非

香雪巢詩鈔

卷之四

七

用世人行且遂初賦君是人中英早歲天衢步咫尺三神
山飛仙不可遇奈何凌雲梢屈曲困郎署不見玉堂中清
侶聯鷓鷯不見五陵游子弟多執綺賤貧如我輩太息儒
冠誤幸藉翰墨緣聊代窮愁訴君家近瀟湘萬綠迷煙霧
我家平山隈寒香千百樹歸隱如有時吟弄忘朝暮風景
靜中參煙雲腕底赴畫竹俗情醫畫梅詩興助知已得兩
君富貴亦何慕與可及補之或冀微名附擲筆意翛然羈
愁一掃去明日試攜君美酒雲樓釀

聞任縵卿抱病新河幕中賦此代柬兼寄孫曉齋大

令錫康

游子天涯我所思雙魚底事寄遲遲飛來一騎堂陽道

新河

古名 愁說相如卧病時人不得君書昨曉寶由五百里驛遞一函始悉君病狀

人生怎禁百憂煎消歇豪情損少年君屢試一語勸君須

自愛高堂八十路三千

重栽北監阿公祠竹詩以紀之

昔聞公祠綠竹綠貫垣紀事詩曾讀貫垣紀事詩載有榻阿祠綠竹一首

來狂獄有專司臨風展拜衣冠肅常時庭院環青蒼我公

與竹同流芳四十餘年景物易紀事詩道光年間合肥李封君所著我來悵

香雪巢詩鈔卷之四

望苔階荒殘碑剝落薜紋蠹石鼎傾欹土花洩亦有松柏

高擎雲惜少貧營清滴露今年長夏雨澤多傾盆連日歌

滂沱土人擔竹入城市數竿買得含煙蘿雲根近刷土膏

沃玉筍新抽生意足昨宵雷雨破空來疑有籜龍飛出屋

戔戔靈祠公所依赭衣服化青史稀饑寒公恤疾公診死

囚三十如期歸公諱世圖雍正時司獄多惠政值除夕公遺死囚三十人回家度歲皆如期歸獄

公之真誠能動物公之靈爽宜不沒福吾囚兮俾安康嘉

祥屢降疫癘被北監司獄名福廳南監司獄名祥廳從此諸囚得更生甘棠

遺愛歌同聲階前清陰應常庇一片生機滿鞠城

送陳沂清比部鳳章南歸

人生如萍蓬隨風爲散聚憶從送兄歸寂寞向誰語謂沈

陳君吾同官忽結蕭齋侶快此針芥投樂與晨夕數西風

一以起送君又南浦秋水與蒼葭相思渺何許

君家山水窟名勝占京口君丹徒人美才鍾有由祖德貽良厚

曾聞五色芝秀擷鱣堂牖君祖申華先生任吾邑廣文時庭生芝草皎皎臨風

前神采越儕偶嘗恐學力荒終落古人後風雨一廬中陳

編不去手愧我何勞勞軟紅日奔走

君性殊肫篤君抱何謙沖問途及賤子邊腹慚疏空文章

香雪巢詩鈔

卷之四

九

特根柢塗抹焉能工羣經與諸史萬古文字宗蘊深理自

足養粹氣斯充不見岡與陵積土基址崇不見江與湖積

水舟楫通

讀書有餘閒嗜好金石連朝遊厥肆碑版掇盈尺上下

千百年眞贗巨眼識偶然得善本什襲若拱璧晴日照軒

窗纖塵拭几席開函一披闕墨香溢四壁所期學古人取

神而舍迹

人生何足惜所惜惟景光君如日初出曖曖升朝陽又如

花初發郁郁含清芳學業固宜勤浮榮非所望毋以英妙

年銷鏤名利場養生在知足厥旨師老莊君體素下以保

壽命上以娛高堂

吁嗟君行矣留滯如余何行年及五十攬鏡驚皤皤一官

困郎署志業俱蹉跎袞袞諸公前門戶羞依阿駕馬戀棧

豆所願非有佗會當挂冠去策杖尋煙蘿金焦有佳處請

為留行窩

題熊太夫人事略并序

太夫人江西新建人適同縣胡氏以孝謹聞夫雄

才病劇太夫人手治藥餌並刲臂為劑飲其夫觀

香雪巢詩鈔 卷之四

其眩厥恐不可救至夜自沈池死其夫遂愈時年

二十有六後以孝婦子旌繼室次子元官長孫家

玉俱貴顯贈如今所稱事詳武林胡太史焯所著

事狀

豫章古名區地氣本盤礴賢哉胡氏母芳型媿鍾郝女誠

幼所嫻相夫儀肅若堂上奉舅姑婦職昭勤恪一朝夫病

劇躬自治湯藥參苓竟無功雙淚涔涔落鳳聞剗臂肉一

飲沈疴卻抽刀血飛起不覺腕力弱和藥進牀頭清芬溢

杯杓奈何返魂難服之瞑眩作妾肉亦無靈妾命何太薄

妾死夫或生夫死妾焉託鴻毛與泰山終夜自忖度蒼天
鑿妾心妾心堅且確池水盟妾心妾心皎以皚視死直如
歸碧波澄不涸慷慨赴中流千古此一勾天地爲震驚蛟
龍爲騰躍是夕月色昏星斗斂芒鏑鬼聲起林陰悲風捲
庭幕舉室聞嗚嗚相顧各駭愕狀載太夫人之死舉家聞哀咽終夕果然代
夫死所天病已霍烈行出閨門流傳同咋愕輶軒采以聞
天語頽給閣濟濟後人賢台鼎聯翩擢猷歟名不磨彤管
光輝灼須知生死事審擇不容錯存亡危急秋挽回爭一
着是以忠義士甘心蹈鼎鑊及其精誠至往往通冥漠誠

香雪巢詩鈔

卷之四

十一

心開金石忠悃動河嶽人定能勝天此理殊確鑿吾儕具
鬚眉對之增慚忤賦詩景儀型婺彩江天燦

鄧提牢任偶成兼柬新任方坤吾同年

連軫

觸目瘡痍劇可傷大裘廣廈願難償差堪對爾纍囚處兩
鬢經年徧染霜

聖朝禁網自恢恢刑措休風漸轉來

近來監犯不過二百人今歲入朝審者只

三十寄語後人勤撫字冰天雪窖亦春臺

鶴巢觀察寄示與濟南同官倡和諸作賦此奉酬兼

述鄙懷卽次原韻

甲申

忽聞逸響奏雲門袞袞諸公荷

主恩秋柳詞壇名勝占霜稜威望外臺尊瘡痍觸目良籌

展肝膽論交古道存多謝首書頻問訊依稀聚首似湖村

唐與余會同
湖北湖陳村

不堪宦迹滯都門孤負

先皇拔擢恩墮溷已難凡骨換居官始覺布衣尊消磨案

牘豪情減冷落松雲舊蹟存余家舊有
雙松閣何日共君歸志決

清游同訪杏花村杏花村舍為廣
陵名勝之一

喜成梅叔前輩占春自滇來都書贈兼感時事並送

香雪巢詩鈔

卷之四

三

赴蒙自任

自別京華思渺緜懷君遠道又遙天一官捧檄娛親日萬

里驅車報最年時以卓異
見花月重開金谷宴衣冠還惹

御鑪煙高寒玉宇休回首試覓巢痕定惘然

當筵不覺醉膏騰極目時艱一撫膺屬國河山揮玉斧中

原膏血耗金繒漢庭術自羈縻善邊將才誰頗牧勝時以
法入

集犯越南太原北甯均不守
廷臣議意不欲開兵端南望知君心事切瘡痍未起羽

書徵時滇督出
關駐紮

書生有志救時屯此去能回四野春形勝地傳阿曠部撫

綏責重宰官身
梨花江上思君處
棟子風前話別辰
更願籌邊經濟展
莫令青史笑無人

讀梅叔前輩詩集率題七言截句二首

數卷新詩治譜同
使君餘事亦能工
分明一掬憂時淚
寫

向巒煙瘴雨中

集中多感事之作

自隔長安又幾秋
歡場曾記共君游
爲題詩句增惆悵
不

見當年菊部頭

謂集中所詠熙春主人

發願謝秉衡表兄
自揚州寄長幅
索繪墨梅因題七言

截句二首

香雪巢詩鈔

卷之四

鄉園一隔十餘載
梅嶺春深最繫思

梅嶺春深爲廣陵名勝之一

底事

谿藤遙寄我要從
北地寫南枝

自是生來孤僻性
不隨桃李鬪東風
天涯薄宦渾相似
那

及君家玉樹叢

君多子近已抱孫

端陽留趙幼鴻司馬

備

鄒浚民上舍

元勳

寓齋小飲

卽席口占兼柬沂清比部毓才家兄

豪情消歇簿書閒
羸得天中一日閒
遮莫舉杯同望遠
二

千里外是家山

兩君均同鄉

倚樓趙子饒清與賦雪
鄒生正妙年
今日故應拚一醉
烽

煙已靖海南天

南事
已定局

記得蒲觴小院開去年雅集未追陪

去年五日余直提牢
班沂清浚民及家兄

同飲如何爪印重尋處猶有飛鴻入座來

席間適接
沂清手札

黃栗留鳴乳燕飛石榴花發麥苗肥江鄉好景多孤負不

獨京華客未歸

時大兄
官湖北

對不黃貞烈女節略題詞

并序

貞烈合肥黃觀察

瑞蘭

女許字同邑余方伯

思樞

次子受祜為室光緒九年八月其父送之歸將以

十月十八日成禮中途聞受祜凶耗貞烈告其父

香雪集詩鈔

卷之四

請奔喪遂於原訂吉期載木主親迎貞烈以奉姑

囑冢婦擇長房次子為受祜嗣絕粒十三日卒時

年十九云

臣不事二君女不事二夫人生天壤間此志焉可渝奈何

談經家立論殊矯誣謂禮未親迎夫婦名猶虛墻死從而

死於禮相齟齬此說一以創靡然頽風趨卓哉黃氏女自

幼嫻詩書隨侍來京師孝謹親顏愉及笄字高門迢遞江

鄉居光緒歲癸未十月良辰符阿父送女歸南駕津門艫

秋風颯然起河水清且瀾白楊聲蕭蕭新鬼鳴嗚嗚女心

知不祥女淚幾爲枯

貞烈於路每夜聞鬼哭
時正受疝疾革時也

果也喪所天

聞耗驚號呼從一之謂何千古爭須臾

貞烈聞耗卽折生
釵以誓必死

入余氏室死光余氏閨哀哀辭我父肅肅拜我姑上以慰

高堂下以勉嗣孤予願旣以畢不死將何如異哉十三日

水漿不沾濡賢聲動官府烈行傳道途婉言相勸導良藥

相持扶女也志不移一死他何圖陰風拂蕙帳慘月懸青

盧天地爲黯澹神鬼爲歛歛吾聞廬江郡自昔稱名區漢

有仲卿妻不嫁甘指軀至今墓門木連理枝扶疏斯氣所

磅礴鍾此名門妹愧彼搢紳輩儼具肩與鬚處常何慷慨

香雪巢詩鈔

卷之四

五

臨變翻躊躇對此巾幗賢得毋形恇懦賦詩景芳型用以

勵廉隅惜非著作才彤管詞紛鋪軒振風化行將達丹

除請看肥水上綽楔凌雲衢

家花農太史

琪

招飲寓廬賦此奉酬兼柬座中同年

翟保之侍御

伯炳

洗卻炎歊暑忽忘雨餘招客共飛觴

時值雨後

不教瓜李芳時

負真覺蓬壺夜漏長座上圖書存舊澤

太史出文敬公
竹瓶搨本傳觀

庭

前竹樹引新涼當筵更把瓊瑤賞絡繹佳篇出錦囊

時以賜和

七絕四
首見示

自是承明著作儔，嚴徐東馬想風流。嘯歌已寓澄清志，

有壯夫未可輕安枕當宵旰應分

聖主憂簪笏，傳家誇累代文章報

國在千秋玉堂望，共為臺重時保之同年料得安邊策早

籌昨議闕省詔集廷臣海防事宜同味

新秋同人招飲十刹海觀荷同年沈子敦比部家本

天即席賦詩屬和次韻奉酬兼述鄙懷笑舞計畢京

鳳城西築好亭臺，難得良朋載酒來。荷氣如薰消熱惱，海

天似鏡拭纖埃。翻疑舊夢尋瓊島，且向歡場罄綠醅。有客

香雪集詩鈔 卷之四

陽春歌座上一回擊節一傳杯

四圍柳岸夾菱塘，習習輕颺冉冉香。眺遠人都忘俗慮，經

秋天亦惜餘芳。高寒風月憑君占，得失雞蟲笑我忙。畢竟

菰蒲歸隱好，季鷹連日正思鄉

何崧生比部汝倫同和觀荷原唱詩中以余是日見

京口待渡圖流連久之知有思歸之意可謂先得我

心矣因申前志以質知已仍次前韻

敢云駿骨重燕臺，偶為浮名挾策來。一枕邯鄲醒幻夢，十

年京洛飽塵埃。悔教故我搜時網，輪與田家倒舊醅。正是

江村消夏日幾回孤負碧筒杯

六六紅欄曲曲塘低徊人影又衣香烏篷夜泛三更月翠

蓋風牽四壁芳吾郡消夏以湖上紅橋為最四壁夙約難

忘鷓侶狎歸心已逐馬蹏忙蒜山北去瓜州路畫稿分明

認故鄉

花農太史用前韻見贈兼及近事適聞臺灣捷音因

次韻誌喜並以代柬

觸日時艱未忍忘欲澆醜礪引帝觴工愁我似張平子持

論君如徐偉長夜半枕戈心激烈中流擊楫韻悲涼都教

香雪巢詩鈔

卷之四

七

寫入詞人筆光氣真同穎脫囊

安邊賴有范韓儔聞道舟師占上流颯魅驕人何足怪螳

螂抗臂不須憂樓船雪湧重門浪幕府風清萬壑秋露布

會看隨電報基隆炮臺之捷已得電報與君豪飲數更籌

題趙貫之比部學曾墨梅摺扇

偶從便面寫春風隱約參橫月落中可是羅浮清景否畫

成還問趙師雄

丹徒莊吉雲司馬介禪見贈日本紀游詩題句奉酬

七年蹤跡滯金臺瑄稔情懷鬱不開君屢應京兆試不售人世浮名

何足戀乘風飛向海東來

謝公游展阮修錢到處欣聯翰墨緣那有工夫談世事好

山好水滿樽前

集中不及時事

攜得南華筆一枝詩中有畫畫中詩人游海外文章好比

似儋州小住時

奇花異草盡知名

集中多詠花木之作

博物張華鑒別精集中有題博物院詩

奇麗無匹難得參軍學蠻語鉤駘格磔總分明開日未土語

歌姬席上求題句名士樓頭共醉吟所紀事老嫗捧箋詩

解乞一般聲價重雞林

君渡日本太湖有女嫗年六十七在舟中乞詩意極感懇

香雪集詩鈔

卷之四

十六

京華我亦悔淹留郎署浮沈已十秋遙望吾家徐福島他時仍擬約君游

鶴巢觀察以次先大夫癸亥淮陰留別一首原韻

寄示謹依韻奉酬

束髮年華過眼纔傳經書室後先開

先伯雲甫公及先大夫先後設帳里門

記同公瑾論交日曾見侯芭問字來

觀察從游最早十載烽煙成

小劫幾人樑棟具長才惟君夙抱匡時畧已是頭銜重外

臺

憶自蓬山墮落纔至今懷抱幾曾開中年宦況同鷗澹遠

道詩筒共雁來愧之文章揚祖德恰勞獎借到庸才思君
日日臨風望雲樹遮迷夾谷臺

原作

姚光胤

鬢齡捧硯及門纔魏十五齡侍夫杖履絳帳曾依講幄

開夫子設帳於安廣廈特招羣彥集列門牆者約數十人詞

垣喜共眾仙來謂乃秋世兄醉經室裏推耆宿甫

大世伯與夫退步齋中慕雋才世兄與魏時有唱和又其小印有退

一步想尤幸竹林持笏節謂毓才觀察助猷指顧列三臺

吉雲司馬復以秋日感懷七律二章見示依韻奉和

香雪集詩鈔

卷之四

九

匆匆散值正停車遞到詩筒夕照斜君自鄉愁縈北顧我

翻詞筆羨南華驚心時節秋深柳過眼煙雲客裏花才調

許棠原不減月中桂樹又含葩時中秋前二日

那堪閩嶠首頻回夾岸樓船付劫灰海外夜郎空自大江

頭杜老獨增哀君甫離閩之馬江即遭法人之變故原詩有戰亡遙溯馬江哀句

九重下詔邊才訪上相專征幕府開謂湘陰相國督師閩省好共銜

杯佳節賞遙天應有捷音來

鄧思仲比部葆華索畫墨梅並屬題句走筆應之

相看莫道鬢成絲豪氣元龍似昔時記得西曹聯袂日圍

爐燒燭夜談詩

君工詩
尤善談

江天一隔幾經秋同是京華宦跡留庾嶺春光君憶否數

枝應更惹鄉愁君江
西人自風陳清比部自南中來書兼惠晚香堂蘇帖白雲居

陳沂清比部自南中來書兼惠晚香堂蘇帖白雲居

米帖二十四卷詩以謝之

一年不相見遙望渺愁予冀北霜寒日江南木落初懷君

三五夜慰我數行書况有瓊瑤贈隨將雙鯉魚

米老共坡仙書家解脫禪胸襟濯冰雪筆墨化雲煙黃蔡

高名並鍾王一服延吳中兵燹後幸未損雕鏞此卷旌德
姚氏乾隆

香雪巢詩鈔

卷之四

年刻於
吳門

雜詠四首

荀文若

一死難逃百世誅幾曾漢室願匡扶若將投閣揚雄比也

合名稱操大夫

趙子昂

故宮禾黍合銷魂猶自風流翰墨論一水二山都愧對新

朝學士舊王孫

危太樸

老臣且遣伴青山始悔餘生乞草間一語回天差可取穆陵顛骨賴公還

錢牧齋

絳雲樓閣聳嵯峨白髮紅顏對若何才調千秋人兩截石頭城下彥回多

友人出吾郡近時諸家畫冊索題得七言絕句十二首

儀徵吳讓之先生熙載

墨竹

分將墨瀋寫雲箋老去丹青分外妍畫理都從書理得銀

香雪巢詩鈔

卷之四

二

鈎个个柳誠懸

先生以善書名海內畫其餘事也然世不多見故得者尤寶之

興化徐進之先生退

墨竹

花花葉葉未凋殘三十年前畫稿看一樣人間成絕筆湖

州墨竹所南蘭

先生亦以書擅名而蘭竹之工與板橋埒近時有求之者先生謝曰某已不彈此調

年矣

儀徵汪蕓卿太史廷儒

山水

天上蓬壺畫永時拈毫伸紙寄遐思湖光山色千秋在惜

少摹圖筆一枝

咸豐辛亥太史分校京兆闈以首場山色湖光共一樓詩題用藍筆繪圖徵詩傳爲

韻事是科王司翁文端公有詩紀其事載公所著詩集中越歲太史即歸道山

山全 甘泉林少紫大令溥

山水

階草庭花宦况閒 脩然風致出塵寰 恰將霖雨蒼生意 寫

向煙巒霧岫間

大令以名進士出宰山左所至有聲

甘泉張澹卿明經本

菊花

數枝籬角帶霜妍 瘦似詩人冷似禪 苦憶傍花村畔路 西

風殘照晚秋天

郡城之北多藝菊者以傍花村一帶為最勝疏籬落日人影衣香風景如在目前云

江都王小梅布衣素

春郊散牧

新柳陰中細草叢 芳郊景物寫偏工 傳神不減龍眠筆 恐

墮他年馬腹中

君年八十八外猶能於燈下作豆人寸馬栩栩欲活

香雪巢詩鈔

卷之四

甘泉顧顧山太史奎

花鳥

邊鸞鳥與趙昌花 并入毫端自一家 太息牂牁東逝水 秋

風不返使星槎

太史丙子典試黔中遂歿於差次

儀徵吳蓮芬觀察文錫

牡丹

映日姘妍帶露香 消閒着意寫春光 天然一種清華氣 自

是生來富貴場

觀察為文節公之弟由乙科起家自獨中歸優游林下幾二十年

儀徵汪硯山茂才盞

山水

拋將鉛槧事丹青 葢場中脫畧形他日 應儕耆舊列湖

山全勝眼曾經旬

君與余同受知小湖夫子入學時已五每當澗闌燈施談揚州嘉道間湖上之

勝妮妮
可聽

江都郭星白茂才庚吉

梅花

興來潑墨足風流猶憶江鄉雪夜游酒膽詩腸兼畫手不

堪賓至半山邱

甲寅冬日君與余同飲趙蓉波茂才齋中酒酣君為蓉波畫梅花長幅並題七絕一章有酒膽詩腸讓一籌畫梅我自傲同儔之句豪情勝慨咄咄逼人今君與蓉波俱作古人追憶昔游能無惘惘

東臺周子嘉孝廉應穀

荷花

畫橋西去野塘東冉冉清香淡淡風不用於荷臨舊稿於

宋於青

年也廿年家住水雲中

君居東亭地多荷花與興化蓮花六十四蕩相接

興化蔣介夫布衣石渠

食品

香雪簞詩鈔

卷之四

開過桃花又菜花春來鄉味總堪誇撩人最是圖中景不

待純鱸便憶家

菜花蛤蚶桃花鷺皆興化食品展玩久之不覺鄉味流齒頰間矣

談君蓉舫有詩寄懷次韻酬之

拋恰浮名避俗喧有廬可愛復何言邀來明月朝朝醉注

第一

哭向秋風歲歲冤

君屢應棘闈不售

君籍嘯歌舒憤懣我思

塵埃洗滌潏潏

沈休文詩願以潺湲水沾吾纓上塵湖莊好景能同賞準擬重

尋竹裏門

原作

甘泉談恩誥蓉舫

畫省霜清晝不喧郎曹相對可忘言定知老嫗求

書判只有唐卿說不冤三輔鶯聲添綺膩五湖鷗
夢托潺湲故人尙抱羊求隱小草因風達薊門

香雪巢詩鈔卷四終

香雪巢詩鈔

卷之四

香雪巢詩鈔卷四終
夢托潺湲故人尙抱羊求隱
小草因風達薊門

香雪巢詩鈔卷之五

江都 徐兆豐 乃秋

水仙花次壁上文衡山待詔題玉蘭花原韻東鍾杰

臣英楊心貺廷傳曹菊農裕三農部乙酉

出世丰姿竟體芳最宜月殿更雲房前身十二瓊樓迥舊
夢三千弱水長卻卻綺羅真脫俗鍊從冰雪自生香傳神
誰似周長史好與江妃寫翠瑤

題畫十二首

安慶試院春暉堂壁懸司馬繡谷鍾畫十二幀杰

香雪巢詩鈔 卷之五

臣農部愛玩不能釋屬余題句誌之並系以小記

云

饑餌紫芝香眠藉朱草細修養不知年洞中幾千歲

右白鹿一歎坐草畔上有懸崖崖顛靈芝四五本

竹葉紛披用雙鉤法行之石細路古花草皆香

方塘菡萏開對此炎歊屏雙燕忽飛來蘸破碧波影

右池荷一角花大如斗葉大如蓋作風前搖曳狀

乳燕雙雙點綴空際或曰水畔宜鴛鴦嫌其俗矣

晴闌花似錦閒階草如織貓睛自知時不用土圭測

右牡丹數本植叢石間生意盎然石畔蹲貓二黑
者背面首左顧白者正面目灼灼有光尤雄傑獨
兒獨兒呼之欲出矣

飲啄亦何心秋風刷羽潔近時鬪者稀可以養吾拙

右秋菊滿階下雞冠花一簇鶴鷄四一啄一宿一
飛者下瞰一蹲者上視亦似無機械意往在京師
曾見鬪之者兩兩相角必血肉狼藉始已豈物性
使然歟

老檜鬱森森濃陰不知午來巢間何心似欲避風雨

香雪巢詩鈔

卷之五

右古檜一株蒼翠四匝根旁補萱花數枝鸚鵡三
飛者一集者二作對語勢意趣閒適深樹雲來鳥
不知詩境似之此鳥卽俗所呼八哥云

清秋水葉凋凌風欲翔翥莫負參養恩一飽卽颺去

右老樹一株葉半脫一鷹集其上骨峭神疎有當
秋搏擊之勢昔人謂畫馬須畫骨余謂畫鷹亦然
國朝鐵嶺高文良公尤擅勝場也

秋江水漸涼沙際雙鳧擁儻遇天隨翁價更能言重

右芙蓉數本植水次冷豔欲滴有鳴一一白色一

黑色相次立淺水邊漸有縮瑟意深秋景物故與
春江春暖時有異云

小醜何耽耽賦性貪黷吾生本無求不期飲滿腹

右葡萄滿架枝葉皆下垂結實纍纍然如貫珠似
溫日觀筆法有鼠二一懸藤上作倒挂勢一伏葉
底均栩栩欲活

有物何昂然峭立花間石會當振翼鳴一聲天下白

右雄雞一獨立石上俯視階前秋色數叢雙背怒
張勢欲下啄石畔植秋葵數枝此花葉如雞距又

香雪巢詩鈔

卷之五

名雞腳葵云

松陰有仙禽幽境似太古我恰愧羊公瓊鐘不解舞

右長松盤曲根若龍鱗針若虬髯謾謾如松下風
想見李元禮氣象有客羽衣翩翩其下儻然具出
塵致方外交舍茲其誰

何物游月中朝朝餐沆瀣待汝幾時來守株笑我輩

右丹桂數株高出雲表月影朦朧在若離若卽間
花下蹲兔二白正面黑側面燈下視之目光欲射
人昔人謂傳神在阿堵中畫人如此畫物亦然

洛落歲寒姿空山寄幽致怪他聒耳鳴翻破高人睡

右老梅轟立鐵幹槎枒而花枝橫斜益饒斌媚有

鵲二集其上樂意相關禽對語生香不斷樹交花

二語請以移贈

顧少逸同年厚焜出陳小林沈守之兩君墨梅冊索

一木題

好景都教妙筆收寫生各自擅風流癯仙真面憑誰識還

問傳神顧虎頭

共君宦跡滯長安屈指光陰又歲寒鄧尉山前香似海披

香雪巢詩鈔 卷之五

圖且當故鄉看少逸長洲人

新秋李慕阜同年念茲招飲於淨業湖香遠益清之

榭沈子敦同年賦詩紀游次韻奉酬丙戌

一水回環列岫橫重來登眺不勝情甲申初秋同好攜游人集飲於此

侶尋陳迹又是秋光滿禁城勝地園林瓊島近詩人心跡

玉壺清陽春還聽君先唱金谷何嫌屢罰觥前次亦子敦同年首唱

應官聽鼓慨年年且向歡場擘錦箋人海逐來真傀儡閒

身偷得卽神仙同舟交誼天涯台投轄豪情地主賢高柳

垂條荷捲蓋暮蟬聲裏歲華遷

畧似西湖湖上樓饒他煙月佐清遊

湖中楸聯有比似西湖煙月多之句

吟雅興輪韓孟

何崧生比部先有和章

起舞雄心愧祖劉今雨恰欣

偕舊雨昔愁遮莫惹新愁會逢菊蟹時光好後約重教趁

九秋

原作

歸安沈家本子敦

殘荷留得葉縱橫勝地重來動客情畫閣參差都

倚樹平湖蒼莽半依城露葵綠暹秋光媚風柳青

梳午氣清佳日難逢休沐服暫拋簪組此飛觥

雪泥陳迹記前年酬唱曾經擘鳳箋漢上鳴騶欣

香雪巢詩鈔

卷之五

出守

謂鍾汝琴太守

江頭駕鯉慘登仙

謂武悅堂主政浮雲聚散

懷同侶塵海升沈數昔賢四座停杯論往事光陰

彈指感推遷

于鱗聲望重雲樓好客攜尊結勝遊大復詩名齊

顧鄭偉長文字邁曹劉論交幸得同官契對景翻

添故國愁最憶西風鱸正美年年孤負碧湖秋

九日同人集飲陶然亭倒用前韻紀游

殘暑纔過又暮秋良辰何處遣羈愁尋幽攜屐聊同謝卽

景題糕敢傲劉脫畧衣冠真率會消除煩惱上方游也饒

北郭風光好依舊青山對畫樓

眼底滄桑幾變遷江亭往蹟憶前賢大千界裏人如蟻尺

五天邊客欲仙鐵笛歌聲傳隔座碧紗詩句覓殘箋昔時

我亦留鴻爪彈指光陰十二年丙子九日借同人遊此賦詩紀游

花亞欄干酒滿觥妙香聞處此心清四圍蘆荻低臨水一

角樓臺近面城夕照疎林高士畫西風叢菊故園情勾留

不覺忘歸去擬傍僧寮短榻橫

和作 沈家本

瑟瑟寒雲正作秋荻花楓葉不勝愁歸鴻渚遠詩

香雪巢詩鈔 卷之五

六

吟謝戲馬臺高會憶劉令節又逢開口笑近郊難

得賞心遊數聲吹徹重陰散恰是臨風笛倚樓

晨陰亭午開霽隔座笛聲正嘹亮云

幾番回首歲華遷象外探幽集眾賢石壁尋詩人

已古金鑪決識語都仙亭東文昌閣有集唐籤句多往上者安排觴

政招紅友商畧碑文搨素箋亭之東北有香家鸚鵡小榻甲子

細論同算亥定煩小錄作疑年酒半各說行年十四人計得五百七

十餘

休嗤酩酊醉瑤觥秋後登臨氣倍清靄靄遙村連

古苑依依殘照下寒城蘆碕入畫添幽興菊墅催
詩寄遠情和到玉臺新詠句想君健筆意縱橫

詠香家鸚鵡冢同何崧生比部作

一坏猶共惜殘春粉黛成灰玉化塵恰怪朝朝燕市過買
來駿骨更無人香冢

哀此靈禽古道邊荒祠片石草芊芊看來畢竟能言好尙
有殷勤舊玉憐鸚鵡冢

同作

山陰何汝翰崧生

香冢

香雪巢詩鈔

卷之五

七

在江亭之側樹片石篆刻香冢二字碑陰有古
今體各一意語甚哀艷摩挲一過不勝美人黃
土之感

憑仗登高興西風弔美人墩將爭小小姓已失真
眞淺土迷青草香魂化碧燐葬花詩尙在讀罷淚
沾巾

鸚鵡冢

距香冢僅二尺許有碑紀其事云此鳥自粵攜
來慧解人語狎羅狸奴之劫主人憐而瘞之并
爲之銘

解誦波羅偈長辭燕雀羣生勞名士賦死傍女兒

墳瘞鶴銘同壽嘯鵑淚尙紛秋宵如唱和悽絕終

朝雲

與陳小山孝廉桂馨話舊偶成

共君客裏話湖鄉蟹正肥時菊正黃怪底老饕忘不得風

光屈指又重陽

書聲燈影渺如煙往事空思卅載前賸有樓臺烽火裏湖

山畫稿自年年昔侍先大夫讀書湖樓時記撰有聯

不堪宦跡滯長安旬起鄉愁酒興關只恐故人應笑我緣

何拋卻舊漁竿

香雪巢詩鈔 卷之五

毓才兄見示重過興化凌亭感事一首謹次原韻

廿載銷魂處征人此再經秋宵停短棹往事感離亭水畔

巢痕認燈前客淚零寥我同抱痛詩句那能聽注中有先君先叔

均已見背語

君今初志遂余尙宦途經難整還鄉旆空瞻問字亭謂與先文

正書院先大夫家聲慚負荷手澤懼飄零時刻先大夫詩集未成舊

曲烏嘯在開篇不忍聽烏夜嘯思親曲先大夫叢著中之一也

原作

骨月生離地扁舟怕再經當年游楚宦阿叔別凌

青嶽亭廿載孤身過終宵老淚零傷心東去水嗚咽不
堪聽

蓉舫弟五十初度賦此寄祝
人生閱世易百年一瞬息如水自東注如駒忽過隙去歲
一相見匆匆值行役燈下各驚看都非少壯色君鬢猶未
凋我髮已全白回首卅載前生長橋東宅夜眠共布被晝
讀同硯席依依兩親前未嘗跬步隔光陰一以駛往境皆
陳迹雙松閣猶在對床問何夕

我聞昔人言難得惟手足矧余兄弟行濟濟數符六庇蔭

香雪巢詩鈔

卷之五

九

廿朝失遂各形惻獨自惟齒稍長職在教與育素願未及
償身被塵網束去家二千里所戀升斗祿悠悠百無成此
憾縈心曲傳家只青氈舊業賴君續毋謂躋名場空抱荆
山璞須知韋布安勝於簪組辱

今歲在掩茂嘉平日有四爲君懸弧辰五旬屈指至君昔
弱冠年湖陰粵寇避我從朔風中世里策歸騎三十楚北
游丙寅冬余在毓才
北監利署四十宦跡寄丙子余已
官京師及今已三度

不獲共一醉連宵家宴開昆季一門萃知君定憶我遠望
情難置趙北與淮南分飛奈兩地那及田舍翁永無離別

事京華萬事人對書

植植林間鳥皎皎中庭月飛鳥終返巢明月豈常缺富貴
命難強林泉性所悅衣食如有賞故鄉歸計決我亦嚴冬
生長至逢佳節共探官閣梅同踏蜀岡雪追隨有羣季笑
語杯盤列從此優且游不受俗羈縻身閒夢亦安卽是延
年訣念此忽狂喜吟情早飛越

李雲浦同年以和鶴巢觀察前和題畫拙作原韻七

古一章寄示勉疊前韻奉酬兼寄鶴巢觀察

故人不見二十年忽喜新詩寄我讀迷離紙上半煙雲錯

香雪巢詩鈔

卷之五

落風前盡珠玉先生海曲擁皋比

同年官安東廣文先後已二十餘年天然

位置超流俗寒素幾忘貴介身文章豈博時人目興來放

筆一長吟不減豪情坡與谷猶憶當年計吏偕長途日共

輪蹶逐怡慚郎署困枝官那及蕭齋寄幽躅一紙書從天

末來百回展誦三歎服見君詩如見君面燭剪西窗月照

屋更聞彭澤駕歸舟報書已共東橋竹

近接鶴巢書知已解組南歸將卜居

州官味嘗來嚼蠟同恥向人間乞膏馥繡衣不着着荷衣

白塢紅橋居欲卜淮南淮北兩騷壇占盡吾鄉風月福愧

煞京華薄宦人依舊輓紅塵僕僕

原作

丹徒李承銜雲浦

我生愛梅不見梅案有蘇詩不敢讀蘇詩不讀讀
君詩一片冰心在壺玉憶君服官入三峽領畧魚
鳧舊風俗改官幸傍大明湖十里荷花燦湖目愛
梅索畫向長安一紙回溫寄黍谷城北徐公我同
譜風雪山程互徵逐一雁高飛一雁蟄悵望天涯
徒躑躅戊辰公車與乃秋同行山程阻雪賦雙雁
行此後余遂不赴公車乃秋次科成進士
因君得讀吾友詩髣髴緇塵共衣服君懷磊落今
何迂慮及半畝之田一椽屋來書云薄宦廿年無
半畝之田一椽之屋

香雪巢詩鈔

卷之五

十

云劉安久裁招隱桂衛公問訊平安竹得花便可
勸加餐沾丐殘膏與賸馥明月梅花久待君卜以
決疑何用卜願君因此拓爲三笑圖不必呼朋到
梅福張之吾鄉焦山梅花樓無事久留謝童僕

楊芷湘拔萃

世沉

索畫墨梅口占二絕句卽送之南

歸

古香堂上首頻回曾記侯芭問字來

先大夫主講興化文
正書院時君嘗從遊

今日眼中人已少一樽送客又金臺

難得冰霜鍊此身鐵心香性雪精神待逢臘盡春回日桃

李人間總後塵

時君應廷試報罷故云

爲詹守白拔萃

世畫梅

通甫先生名蓋世每於畫稿見襟期瓣香此日家家奉漫

慨南山雪壓枝

君同邑魯通甫先生工詩古文辭名重海內性喜畫梅余嘗見自題七古一章末有

古人不作誰寶之一任南山雪壓枝之句

學搗元霜已十年橫斜時寫客窗前不知塵俗能除否爲

問淮壖後起賢

先大夫小醉經室詩集刊成謹紀

丁亥

那得閒身舊稿編風塵案牘日牽纏開函溼徧孤兒淚遺

香雪巢詩鈔

卷之五

十一

屬回頭十八年

自怡軒慨成灰燼鏤板重教手澤留

吾家五世祖繼躬公著有自怡軒詩原板

已佚近經毓才兄檢家藏本刊於揚州俾世守焉

此後吾家同寶貴一門著作卽

箕裘

新得宋拓顏魯公書麻姑仙壇記賦此誌之兼柬劉

容伯孝廉

德麟

我友劉君人海任才名早與孝威儕憶昔清秋過君室室

中墨寶森然排仙壇一記出示我英光照耀如琦瑰聽君

揮塵向我語魯公大筆何淋漓生平石刻半天下惟此片

紙侔鼎彝大如指頂帶隸法退谷所論非予欺自宋以後
石碎裂雨淋日炙煙塵埋世間流傳小字本規模則是神
理乖我聞君言勤物色海王村內空徘徊今朝有叟獨過
我手攜蠶蠟南方來云從舊家得古刻一一向我誇瓌奇
就中瞥見此記在突然寓目心胸開有如按圖索真馬目
中所遇皆凡材權奇倜儻不世出忽從冀野逢龍媒又如
名流久心契神交千里空馳思朝來造門適過訪聞名倒
屣相追陪世間快事類如此一朝頓慰饑渴懷馳書告君
相印證一點一畫無差池兼金可輕尺幅重屬我亟購無

香雪巢詩鈔

卷之五

三

猜疑

君來書云實係宋拓與所藏無異宜亟購之

半生嗜好

如蠅癡差喜結交半同好辨別眞贋分妍媸况此善本不

數遺墨緣眼福如有私天公憫我多缺陷以齒補角理亦

宜或疑我公炳大節仙釋記載嫌支離

昔人有此論

昔有此議

今不取煌煌定論千秋垂

謹案四庫書目提要論宋梁溪集有云如顏真卿精忠勁節

與日月爭光固不能以書西京多寶塔碑作撫州麻姑仙壇記遂滅其文章之價也每慨時人尙矯

飾小廉曲謹交相推及乎變故粹然值偷生怕死慚鬚眉

峩峩太師天所授一腔血性非強爲祿山卻走希烈叱屹

然一本傾朝文至今懍懍有生氣廉頑立懦百世師卽論

餘情寄翰墨俗書不共義之嗤小窗初開几初拭待君展
讀香焚時

口占索慕阜同年齋中老少年

相公舊第認非耶

同年所居爲紀文達公舊第

四壁琴書滿院花清福

恐教君獨占畧分秋色到山家

最宜曉露與斜陽一洗人間粉黛妝欲把駐顏丹訣問年來兩鬢又添霜

九日集飲江亭孫少鼎比部

傳爽

有詩紀游次韻奉

酬兼感時事

香雪巢詩鈔

卷之五

古

一年一度記來游佳節難將好句酬無復王宏重送酒

王子美比部邀飲此亭今子美已出都矣

又隨孫楚共登樓晴烘嵐氣千山活

冷逼霜風萬葦秋獨我與君懷莫遣良辰勝地懶句留

河決鄭州君與余家在下游故云

皖北淮南總下游

九重屢念誼誰酬

時興工賑撫

關心時局紛投袂

時起諸公幫辦

河務極目鄉園怕倚樓但使負薪同用命不教荷甬苦防秋

知君利濟儲籌策郎署終難驥足留

次子敦同年九日江亭紀游詩原韻

一年容易過花事又茱萸宦跡萍蓬合游情少長娛山光
橫堞遠塏影對樓孤莫道吟情減詩腸索未枯

友人惠菊兼述鄙懷

勾起吟魂又客魂年來心事向誰論孤鴻天末程千里白

髮燈前酒一尊暫署頭銜灌園叟久拋風景傍花村

傍花村吾

郡藝菊處何當寫照延君賞沒骨吾家畫稿存

題張佩襄大令文照寶餘軒詩集

眞州地靈秀自古多詩人大雅未云亡軌轍猶可循君才
復倜儻足跡窮垓垠壯觀好山水雅集賢王賓是以年甫

香雪巢詩鈔

卷之五

十五

壯佳什紛且綸冲然江海量不憚芻蕘詢示我古錦囊開
卷光璘珣竊欲進一解欸欸衷曲申朝廷設官意所期風
俗醇宰官與元元恩誼相浹淪教養盡我責疾苦關我身
至纖而至悉一一皆精神願君勤民事勉作循良臣名勝
罷登眺窮簷時逡巡花月虛讌賞堂皇日躬親皖江矧經
亂民氣未盡馴鋤強及扶弱隱隱煩陶甄大府吾鄉賢
撫爲吾鄉
六舟中丞物色殷風塵一朝覘異績拔擢超等倫非獨邦
家光素抱得以伸視彼風雅傳無病吟且呻與世究何補
覆瓿徒見嘖孰得與孰失不惜苦口陳思君意不盡秋風

起白蘋

和孫少鼎比部入直早起詩次原韻

熏籠香冷玉繩低
又爲應官策馬蹏
禁樹霜寒猶宿鳥
天街月落已聞雞
清資粉署頻年積
詩價雲樓昔彥齊
不待東華塵土逐
羨君小住鳳城西

君在西安門外

述懷疊前韻兼柬少鼎比部

自溷郎曹壯志低
看人雲路騁霜蹏
羈棲旅况三秋燕
消歇雄心五夜雞
屈子行吟居欲卜
莊生著論物思齊
何當同遂歸田願
君向湖東我竹西

香雪巢詩鈔

卷之五

十六

題鄉先正陶昭萬先生手錄詩稿後

生際時艱志肯違
湖邊菰米首陽薇

先生以生逢明季故字曰季詩集名湖邊

草須知詩品因人重
千古淮南一布衣

先生舉鴻博不就以逸民終

二分明月四時春
觴詠同扶大雅輪

漁洋山人官吾郡不與先生爲社友

少苦吟郊島
輩騷壇提唱更何人

紀惠軒貳尹

映煙

過訪寓齋因留小飲卽席賦此

男兒墮地升沈定
遭逢只合天公聽
長安市上三遇君
昔時元髮今霜鬢
同是年華五十身
憐君憔悴尚依人
當筵試語舊時事
回頭一瞥三十春
蕪城亂後風光改
眼前小

却成桑海同學飄零舊蹟非君我而今猶健在我愧蕪鱸
素志違君更無家何處歸曾聞館築平津第賸有空堂署
閱微君爲文達公會孫今虎坊橋舊第尚有閱微草堂額峩峩門第盈朱紫祇今漂
泊征塵裏汾陽宅畔指高槐謝傅堂前飛燕子盛衰自古
相推遷且鍊冰霜骨性堅吾儕窮陋固其分不填溝壑終
雲天人生順逆無心付水上飄蓬風裏絮寒谷還當淑氣
逢焦桐自有知音遇語君往事君勿悲飲君美酒君勿辭
朔風打窗杯在手記取金臺聚首時

輓劉容伯孝廉

香雪巢詩鈔

卷之五

七

風度翛然迥出塵能憑精目照千春故鄉文獻凋零甚金
石論交少一人

命途乖舛志消磨四上春明兩鬢皤悔不一官濱海去金

鼇頂上悞君多君工書或以大魁相推許故前選雲南離尹未赴

攜來石墨倩題詞正值焚香盥露時君十日前以褚河南雁輪聖教序屬題

那料拈毫遲數日攤箋翻寫哭君詩

無情風月奈何天身後思量更惘然老母八旬家四壁歸

魂悽絕孝廉船

偕同人金鼇玉嶼橋春望

應官日日踏塵紅到此貪看景色工時節剛逢三月暮樓臺都在五雲中芊絲柳意黃纔轉潑灩波光綠不同記得去年登眺處四圍香送藕花風

孟簪小築獨坐

熱惱場中客來尋半日閒樹陰遮羃懸鳥語送緝蠻曲塢泉通徑空階石作山雨餘新綠滿俗豔喜都刪

覆友人書畢口占

紛紛去雁又來魚消遣工夫退食餘客裏不嫌清寂甚天涯時有故人書

香雪巢詩鈔

卷之五

六

儷白妃黃愧未工蠻牋幾幅付郵筒願教一掃京曹習不發牢騷不說窮

習靜焚香翻貝葉消閒研墨寫梅花余自撰句倩桐城張君遜先篆書懸齋中因足成七律一章

宦海茫茫未有涯漫云歲月後來賒客愁真覺千絲縛衰態頻驚兩鬢華習靜焚香翻貝葉消閒研墨寫梅花近來悟得逃名好傀儡登場技懶誇

孫少鼎比部索畫墨梅走筆成之

寫罷梅枝墨更研書來曾記索詩篇拈毫不禁離羣感冷

落詞場已一年

知君品格出風塵不羨枝頭爛漫春
鐵石心腸冰雪性此花應合是前身

秋日偕同人集飲江亭賦此紀游

勝占城隈又水隈清游折柬許追陪
懶因簿領應官去喜向林亭載酒來
殘暑初過人意爽好山四望畫圖開
依稀欄檻晴空倚平遠樓頭一垠杯

座間有話吾郡平山之勝者

薄宦羈縲歲序流眼前宋玉忽驚秋
寥天雁信涼纔送斷壁鴻泥迹尚留
難得尋幽皆舊侶不堪肆虐又陽侯
盧溝

香雪巢詩鈔

卷之五

五

西去灾黎徧多少河邊骨未收

時鄭工既未告成復聞永定河漫溢盧溝橋以西遺

骸徧道云

初拓唐王居士博埵銘

人世滄桑歷幾秋石紋迸裂土花浮
此初拓昭陵玉匣今何在居士名偏一紙留

金生玉潤妙評量風骨爭傳翰墨場
中令典型猶想見比

來詩格是初唐

諸河南書昔人謂其字裏金生行間玉潤此碑蓋學河南而能得其神髓者

臨本吳中購尙難那知祖刻未凋殘

近時所傳五塊者既非全文亦非原石即

國初吳中鄭本錢本亦不易得

江村詩句蘇齋跋同人間墨寶看
此卷有

文恪及翁
學士題跋

朱拓頽井蘭亭敘

蘭亭墨本人間無妙手難得褚公摹泉水雖枯石不爛拓
以精楮塗以朱誰其知者董宗伯片紙推崇若拱壁當時
臨榻皆書家率更定武猶難敵舊聞此說今見之嬋娟美
女仙禽姿嬋娟美女昔人評河南書語吾鄉汪容甫先生
定武蘭亭序跋尾亦謂頽上筆致翩翩矯若雲
鬪之益信華亭具精鑒千秋定論非阿私噫噓唏昭陵掘
蠶紙出此石居然井底留筆痕不共波浪沒只恐藏之斗
室中依舊夜深光怪發

香雪巢詩鈔

卷之五

三

尚書崇公文山師六旬壽言

樗散偏收哲匠門登堂同獻菊花樽狀頭自古詞林重喉
舌從來地望尊天下異人文潞國神仙夙慧李長源須知
元老關鍾毓嶽降崧生合並論關鍾毓嶽降崧生合並論
關鍾毓嶽降崧生合並論
自上蓬萊第一峯不緣戚里荷自上蓬萊第一峯不緣戚里荷
自上蓬萊第一峯不緣戚里荷
恩醲籌荒親駐中州節選卷頽聽鎖院鐘三省同開新幕
府六官久領大司農面原似鐵心如水耿耿丹枕鑿府六官久領大司農面原似鐵心如水耿耿丹枕鑿
府六官久領大司農面原似鐵心如水耿耿丹枕鑿

九重

油幢晴雪下

神京襍被追隨靜不驚甲申冬日查辦安嶽事夫子同閣學廖公兩

道使星臨皖水八公山色擁行旌惜陰未改儒生志憂國

時聞太息聲贏得襟帷親笑語春風坐我慰生平

六十年華鬢未斑從頭甲子數人間躋堂半注門生籍戲

綵新分畫省班謂少軒世兄中國行間相司馬重臣那許卧東

山他時再與

恩榮宴

眷賚頻邀內府頒

題袁筍陔先生希和楷書館賦冊子

香雪集詩鈔 卷之五

墨香歎溢采紛披一卷琳瑯重鼎釜想見玉堂清暇甚晴

窗人靜吮毫時

人間一謫十三年作賦曾經朵殿前今日瓣香先輩奉不

堪回首大羅天

發衡尹翰樓同年衡自蜀中寄示賜和贈行舊作次韻

六十奉酬未與翁題甲子歲人謂劉堂半憶從粉署訂交時

舊好無端兩地離話別傾來京洛酒懷

人寄到草堂詩九州作牧君何愧五十為郎我恰遲一箇

冷曹勞閒訊挑燈幾度錦箋披

半饒游興半爲官如畫江山任飽看君來信謂適有保甯之行劍閣嘉陵皆得
勝地風光詞客占儒生本色宦途難會聞琴鶴循聲播
莫忘壺觴昔日歡記取朝

天驅五馬金臺買醉又團圓

一 讀戴藝鄂同年錫鈞采百集偶題

句句銷魂字字愁唐堂香屑共千秋詩皆會看酒綠燈紅

際傳播長安菊部頭

心花吐豔舌翻瀾展卷真疑畫稿看海市樓臺燕市月一

齊湧現到毫端集中上卷紀申江下卷紀都門事

香雪巢詩鈔 卷之五

東馬嚴徐著作臣恰教郎署寄吟身美人香草情何限都

是靈均自寫真

十二月初二日蒙

恩補授山西道監察御史恭紀

一紙除書下九閭不教郎署老馮唐巢痕遠隔蓬壺月爪

印新沾柏府霜且喜盈廷歌

盛德爭傳封事奏明光

詔書讀處官箴懍敢以微臣儆戒忘是月十六日皇

詔率大小臣工修省越日皇太后復允臣工之請停止頤和園工程

題延子澄同年清消寒雅集詩稿

漫從人海問津涯且賞良宵月與花六代江山鍾秀氣同年

縣隴口九衢風景屬詩家黃塵帽底豪如昨白戰樽前靜

不諱贏得水曹清暇甚肯教何遜擅才華同年時
官工部

香雪巢詩鈔卷五終

香雪巢詩鈔卷之五



[Faint bleed-through text from the reverse side of the page, including characters like '香雪巢' and '卷之五']

香雪巢詩鈔卷之六

江都林兆豐 乃秋

春闈內場監試與同人分咏舊蹟得詩四首

御製詩碑

巍我石刻侔彝鼎

奎藻常隨日月新一語千秋同感激從今不薄讀書人

中堂列 四章中有從今不薄讀書人之句

至公堂額

三字分明古學窠跳龍卧虎復如何祇今臺閣多名手合

香雪巢詩鈔 卷之六

把權奸舊蹟磨至公堂額相傳為 而明嚴分宜書

龍字號舍

昔年聲譽重文壇賚志嗟君一第難不少王持風雅輩何

人身後薦方干國朝蔡方三先生寅斗為文壇老宿 某科會試歿於此號後時見靈異

龍門大黃

半傍朱欄半綠槐年年春到送青來收將藥籠非無用濟

亂還應仗霸才龍門一帶向出大黃 逢會試年聞尤盛云

為長洲張揖琴大令 寫梅因題

野水村邊短竹叢幾枝消息透東風江南江北香如海孤

負花時總客中

偶寫墨梅口占

紛紛桃李植門牆趁此春風爛漫場我為癯仙閒寫照隔簾空自搗元霜

題高郵王孝女傳後

巍巍門第襲簪纓樸學還留海內名讀易十年貞不字閨

中淑女亦經生

孝女為文簡公孫女忠介公女以奉母終身不字

忠孝傳家永不磨又教綽楔仰嗟峨須知貞應祠邊水

碧粼粼毓秀多

香雪巢詩鈔

卷之六

口占寄弟姪輩

有序

理庵弟來書云蘇州祖塋於本年春夏之交忽

生聚八仙一株高與肩齊其花似繡毬而畧小中

綠心如桂蕊外圍白瓣十六土人指以為瑞云

一紙家書誇瑞事奇花璀璨樣團圓江南玉蕊尋常物莫

作瓊花別種看

余疑卽江南所謂玉蕊云

自慚樗散負栽培兩字功名念已灰不少芝蘭階下植秋

風應有好音來

今歲舉行慶榜弟姪輩應試者尙有四人

喜楊讓臣水部世興來都卽贈

一別昭陽後關河悵渺縣曾逢南雁侶寄訊海雲邊襟被
辭家日琴書入洛年今宵燕市酒同醉熟梅天

別有樽前感匡時夙願奢高談王景畧太息賈長沙

君言次以

欣莽為慮芒角君時露顛毛我漸華一官何所補留滯尙天涯

難得城南路游蹤共我停

時寓圃通觀

行裝千卷富老樹一簾

青破寂研詩律消愁讀道經時來松下訪得句喜先聽

讓臣贈詩箋走筆謝之

滑於雲母豔於霞出匣爭教異采誇深愧溪藤新染就未

工造鳳只塗鴉

香雪真詩鈔

卷之六

三

迢迢鄉國愁通問袞袞公卿懶上書惟有題詩消遣好窗
明几淨墨香初

雨後柬讓臣

宵來聽雨眠不得喑喑鵲聲催曙色方欣破曉放新晴朝
霞忽變濃雲黑瞥然大雨傾盆來飛瀑跳珠看頃刻空階
四望水成圍只愁化作蛟龍宅我所思兮不可見故人一
隔已三日知君坐對更無聊定有鄉心縈獨客詩情此際
問何如雨餘滿院松花溼

一紙新得南茶分致讓臣承以大作見投因疊前韻奉答

連朝酷暑解不得新葺剛兼香味色汲取城南姚井水
茶白從來宜盞黑見茶錄活火清泉試一甌習習清風生此刻
惜無顧渚可徵租那得樵青同泛宅知君生平亦嗜此分
將數串消長日茶煙輕颺雨餘天吟情忽惹工愁客把君
詩稿坐桐陰露華不覺沾衣溼

偶與讓臣談瘞鶴銘遺蹟再疊前韻誌之

焦山鶴銘原拓得古今翠墨都無色一從崖石墜山足苔
紋綠齧江潭黑通明此書有仙氣膺本嗤他競雕刻此銘紛紜當以陶隱居所書爲洽滄洲使君挽出之五星錯落旃檀宅神物

香雪集詩鈔

卷之六

四

何時返舊觀賴有張公圖往日謂張公力臣何當歸棹放江天
共君同作尋碑客斷袂遺珠往復求不辭雙屨穿雲溼

和作

句容楊世興讓臣

鶴兮歸來不可得殘碑猶壯江山色鬼神呵護蛟
龍走風雷夜吼江雲黑是陶是顧不可知論書自
是晉時刻天教神物鎮名山留此永傍焦先宅
生眼福較公多摩挲其下曾竟日尋幽他日許追
陪談瀛此際嗤狂客新詩袖我詫奇觀陸離光怪
墨猶溼

讓臣出阮文達公集鶴銘字楹聯見贈三疊前韻

一聯好語珠穿得饒有古香兼古色頓教蓬壁生光輝剡

藤白映喻糜黑補天手段推我公閒集銘文摹且刻仙侶

真吾屬對工聯為浮家亦仙侶相流遂真吾十字當時位置娜嬛宅下款有集於娜

媛仙館云云我生後公數十載及見優游林下日齋名積古室

挈經海內通人皆坐客偶然弄翰亦流傳殘膏此日沾猶

涇

喜陳沂清比部至都卽贈

長安重爲拂征塵別後相逢誼倍親桑下猶留前度迹未

香雪巢詩鈔 卷之六

五

來都下榻寓齋梅花曾寄隔年春豁冬得手知比來雲樓妙選當時彥霜

鬢天涯薄宦人此會客中欣聚首調冰雪藕正芳辰

視談君蓉舫遺書誌感

客從南方來遣我通齋集開函未及讀名字辨一一書爲君家

藏談君我中表弱冠才名軼卜築珠湖濱雅稱詩人室君所

居日珠湖明月林莊記當癸丑年烽火逼城堞移家近傍君素願一

朝愜開筵羽觴飛刻燭銀箋疊當時壇坫盛幾輩牛耳執

時阮梅叔亭范兩村凌覆金雪觴長福我我諸老宿後進

樂引汲叨陪孟公座屢下陳蕃榻世變不可也名園一炬

畢華屋易山邱行人欲掩泣手澤寶無人零落到書笈掩
卷憶前游興衰那可述我生寡所好購書動盈篋不惜典
衣買欣看列架插近者眼福饒金石廣蒐輯眞贗巨品評
殘破親掇拾終日手一編蜷伏戶懶出愧無曹倉儲終類
楚人失君乃前車鑒思之輒嗚咽須知身外物過眼煙雲
疾平泉石與木吝惜復何及聚散付達觀我躬且不恤欣
逢雨餘天几案淨如漆陳我篋中書且以消長日

吳竹樓舍人招飲南河泡偶成

招提游罷又漁莊前日與同人集天甯寺覽勝何嫌載酒忙約畧小

香雪巢詩鈔

卷之六

六

金山景色舉杯有客話家鄉

暑氣消來一雨中雕甍遙映夕陽紅當時鳳輦經行處賸
有野花開晚風

秀水金孝女傳題辭

灼灼桃李花爛漫當春令丸丸松柏姿堅貞具本性繁彼
金氏女孝行根素定媿昔程侯母漢廷欽淑行繇繇守遺

徽家牒相輝映金氏系出漢日碑之後

維水自有源維木亦有本父生而母鞠昊天恩罔盡嗟哉
失恃年有弟方髫鬣靈椿陰未凋桑榆景已晚舍父事人

父此心問何忍撤我環與瑱卸我脂與粉願取白華篇抽
毫補閨閫

事變不可知烽煙驚故里烏烏願未償鶴鶴聲忽起流離
轉徙中艱苦世無比艱苦亦弗辭惟博親顏喜蕭然課女
紅怡然奉甘旨境如嚴霜嚴心似止水止昔爲玉靈芝今
爲女貞子

孝女在室四十年其生時母夢階下生芝草

吁嗟斯女賢北宮繼芳躅常慨士大夫宦轍遠馳逐拋卻
白頭親戀彼升斗祿亦有子欲養痛已抱風木吾儕具鬢
眉愧此貞且淑不見鴛湖邊千古靈祠肅

香雪巢詩鈔

卷之六

七

讓臣贈瓜走筆謝之

赤日當空火未流六街暑氣那能收甘回舌本寒生骨數

片登盤四座秋

異種爭誇三白好京師瓜以三白爲最蔗漿石蜜漫同論何時得遂

歸田願也向東陵去灌園

贈讓臣晚香玉附之以詩

雕瓊作瓣鏤冰姿一種幽芳動客思最是夜深香不斷簾

紋如水早秋時

題讓臣爲王步洲太守

瀛

賦烏騾行後

逐電超塵軼九衢
翩翩裘馬五陵無
一鞭斜日長安道
補入騾綱第幾圖

難得傳神絕妙辭
筆花璀璨墨淋漓
若教酒畔雙鬟唱
不數西堂黑衛奇

偕讓臣登陶然亭作

西來嵐翠撲雕闌
峯勢嵯峨氣鬱蟠
君住江南我江北
青山疑在故鄉看

題湯貞愍公墨梅

將軍老去心猶熱
目擊時艱背欲裂
一腔忠憤那能伸
散

香雪巢詩鈔

卷之六

八

作千枝萬枝雪我公家世篤忠貞

公祖及父均殉
福建林逆之難

早歲迤

邐慶再生爭說承天遵母訓一堂燈影共機聲
機聲未斷

腸先斷淚痕點點兒衣浣尺幅新圖繪玉釵

公幼承母訓
有斷釵圖徵

詩余亂後
追和之千秋懿行輝彤管將門出將本家風
投筆從戎

意氣雄磨盾軍中賡競病談兵帳上肅刀弓名成身退歸

林谷天教消受湖山福蘭陵不住住金陵
琴隱園開壇坵

築公常州人寄居金陵築有琴
隱園四方名士咸與酬唱忽報妖烽起粵西旄頭星

指暮天低胸中壘塊難消遣腕底煙雲任取攜拂拂春風

生筆底癯仙千古逢知己獨我披圖感不禁
分明紙尾書

壬子

按公作畫詩為壬子清和距癸丑春殉節時不及一載

賊勢當時踞上游鶴唳

風聲動地愁莫疑陸遜能專闢空倚長城是石頭公兮公
兮無寸鐵只藉歌詩抒激烈

天子知臣寄白門

此公印章有一片丹忱通

帝闕倉猝團兵苦不支孤臣報國在雙池

城陷投雙池塘死之一門

慷慨干戈執三世忠勛竹帛垂祇今畫稿詞場重片紙都

將髮鼎奉想見拈毫運腕時墨香歎薄鬚眉動噫吁嘻人

生名節重邱山一技流傳亦等閒惟有此圖能不朽常留

生氣在人間

香雪巢詩鈔

卷之六

九

喜鄭硯孫拔萃

思源

來都

結鄰猶憶燕巢痕相府潭潭蹟尚存

昔在興化寓前明吳相園舊第與其宅比

鄰舊雨言歡曾楚水春風把袂又都門一時蹤跡天涯合

兩世交情客邸論洛社衣冠金谷宴良辰幾度侍清樽為君

小研年丈哲嗣事載卷三詩注

同張吉人先生

度

暨金吉石

爾珍

吳芷舫

誦清

沂清

讓臣諸君集廣惠寺賦此誌游

勞勞京洛逐塵埃良會欣逢勝友陪人海浮沉萍乍合霜

風蕭瑟菊初開茶煙梵唄縈禪榻越水吳山話酒杯十二

萬年前定不因緣直欲問如來

雪泥鴻爪應非偶且擘吟箋記歲華一刹微塵容我輩九
秋佳日共天涯客愁頓掃清涼界畫理欣聞鑒賞家擬仿

西園圖雅集全荆浩世爭誇

吉人先生與金君皆以鑒賞名家並工山水

讓臣惠菊仍次前黑字韻奉酬

清秋客況消難得城西記共尋秋色

前同游斜街花市

登高佳節

又將逢勝地爭傳窰厰黑有花當賞酒當醉勿負千金此
一刻多君分我菊數叢風光欲傲陶潛宅枝枝冷豔鬪新
霜細細寒香烘嫩日只恐黃花翻笑我芳辰何可無佳客

香雪巢詩鈔

卷之六

十

會須折柬一邀君酒痕莫惜沾襟溼

讓臣移與沂清比部同寓永興寺賦此代東五疊前

韻

人生良友真難得曾向稠人殷物色那能瓶水辨淄澠每
似楸枰迷白黑誰知意外忽相逢兩地交情論頃刻四海
同聞鑿齒名三生共證維摩宅朝攜游屐夜龕燈唱酬從
此無虛日聯吟若更厠賤子韻事何當圖主客宵談時復
叩禪關夜深踏徧霜華溼

吳君芷舫書梅花仙館四字見贈感而有作

消遣閒愁筆一枝客窗愛寫歲寒姿公門桃李慚今我不

是春風爛漫時夫為哲嗣

四字多君親寫贈又教歸思引鄉關他年卜築知何處合

在風亭月觀間

沂清比部以余分贈南中果品賦詩言謝次韻酬之

佳篇盥誦露香涵一紙欣傳宣武南鄉味新嘗燕市客好

詩清勝晉人談知君藉遣閒中興笑我聊分酒半甘料得

近來平揖稷禪機久已木樨參時比部秋闈報罷故云

贈金吉石茂才兼述鄙懷

香雪集詩鈔 卷之六

峩峩門第溯通侯恰羨生平眼福修如畫湖山摹萬本傳

家碑版寶千秋朋儕客邸新連榻時與沂清讓臣同寓永興寺 煙雨鄉

關舊倚樓正是南中好時節丹楓江岸白蘋洲

共君一樣在天涯鷓鴣催人閱歲華又覺經秋添白髮屢

因為客負黃花迂儒空上憂時策歸路思乘下澤車尙擬

偷閒頻過訪擗抄古篆辨龍蛇君攜有周鼎希世寶也

和作

秀水 金爾珍 吉石

擁書萬卷傲王侯季海前身慧業修驄馬已敷三

輔望鱸魚未忘五湖秋才名上奪陳驚座詩句爭

傳趙倚樓聞說江鄉待膏澤紛紛鴻雁滿汀洲時

蘇杭蛟水爲患

釣游常在水之涯京國馳驅感物華弱翰未能工
柿葉孤懷只合伴梅花瑤章寵似膺鴻寶敝帚珍
還載鹿車更喜新交同下榻謂讓臣沂人人搖筆
握靈蛇

爲吉石寫梅因題二截句

三千里外鬢毛改十二時中鄉夢飛君近作有料得旗亭

佳句唱天涯無客不思歸

香雪巢詩鈔

卷之六

十一

只我欲歸歸未得商量無計遣離思故園風景聊摹寫開
到梅花第幾枝

送吉石南旋次沂清韻

琴歌幾疊手頻揮彈罷離絃送客駢殘月更闌雞唱早朔
風天末雁行稀季鷹空作南歸想老杜終教北斗依怪底
臨岐難自遣柳條愁看折郊畿

方菱塘前輩

汝紹

招同人賞菊並出近作生子詩見

示次韻奉賀

勝地叨陪雅集來朝回欸客興佳哉豪情載酒秋光老鄉

味燒豬盛宴開

席間橋尾一味尤肥美

飛雪漫天宜白戰是日大雪奇花

四座值初胎

座中菊花多異品

還欣此會兼湯餅好句傳觀徧省

臺

蘭長靈芽桂吐馨香山韻事喜重聽雲程久展名駒足長君

公子阿閣新舒采鳳翎更藉膝前娛晚景料從天上降

庚星問君丹訣尋何處七十年華兩鬢青

喜尹仰衡太守入

觀並出示大著因題二律卽

以送別

京邸相逢又八年

辛巳歲莫君來京一際

旌幢高擁值朝天論功像

香雪巢詩鈔

卷之六

待凌煙繪報

國心常捧日懸匹馬恥隨諸將後羣蠻爭拜使君前越南之役

南皮尙書屬君叅軍事馮萃亭宮保尤倚之在諸將上故奏奇功至今邊人尙感君撫馭之恩云酒酣耳熱

看磨盾數卷南交實事編君著有援越紀實一書

琴鶴清操著作才文章事業妙能該等身書共黃中讀有

腳春隨宋璟來君守雷州多善政聲價君猶留鳳閣迂疎我自愧

烏臺匡時尙倚迴瀾手更願當筵進一杯

晏誠卿內翰出守中州持楊莘伯太史崇伊所贈詩

扇索畫墨梅因次太史韻兼以誌別

梅花講舍憶當年侍座曾親絳帳賢

令祖中丞公王梅花講席時豐嘗肄業

三世後先驅五馬春明門外看揚鞭

中丞公初授湖州尊甫偉庵先生亦官山

東萊州太守

賃廡長安是一家

余與君在京同寓幾十年

他時仍約命巾車真州景

比揚州好築箇園林傍白沙

當筵且把渭城歌定有循聲播兩河疎影幾枝聊寫贈使

君生意滿腔多

接蓉舫弟書知宅東新購數椽喜而有作

庚寅

聞道牆東又卜廬他年聚處不嫌孤恥同王衍謀三窟聊

香雪巢詩鈔

卷之六

十四

學揚雄置一區老去世情成鑿枘宵來鄉夢繞菰蒲多君

愛我謀歸計且把梅花種幾株

迭接誠卿太守書兼詢近狀口占答之

河流幾曲下雙魚正值東風凍解初猶有故交投贈意封

封都是手親書

辛盤春釀競開筵排日爲歡憶昔年一自使君梁苑去風

光閒煞買燈天

春日沂清比部偕宣古愚駕部招飲陶然亭賦此紀

游兼柬兩君

今年春苦寒公餘戶懶出鎮日風颼颼迴野氣蕭瑟庭柯
凍尚封盆梅香半勒孤負尋春人圍爐正斗室兩君適見
招江亭試登陟至客共遲回難得逢佳日天公忽助我幾
日和風拂城南路不遠纖塵淨如拭驅車曲徑通入門朝
爽挹微雲養天際晴曦藹林側嬾嬾柳枝垂蓬蓬荻芽茁
近水漾淪漣遙山橫劣嶺宛然生意益那覺寒威逼人生
在塵網眼界日偏仄傀儡弄狡獪雞蟲競得失紛紛殊可
憐牢籠脫不得快哉今日游翛然萬慮息重以主人賢翩
翩風雅匹陳君結古歡金石多什襲至性發爲詩絕不假

香雪巢詩鈔

卷之六

七

雕飾

比部收載金石甚富兼工古近體詩

宣君英妙年閉戶耽著述網羅及

晉代卅卷補始畢

駕部方成晉書補逸四十卷餘著作尙駁

吾生棄書早案牘

耗心力浮沈人海中桑榆行且及何期眼中人才品同超
軼美景與良儔斯樂亦云極當筵醉不辭千金此一刻上
界送鐘聲林陰催暝色酒意方膏騰吟情還勃鬱相攜下
層岡天風吹習習

洪右臣前輩

良品

惠題

先集謹次原韻誌感卽題

所著龍岡山人集

爭羨匡衡抗疏時解頤猶自喜談詩文章報國吾儕事莫

道先生愛撚髭

占得蓬萊最上頭星駢使節任遨遊集中星駢集乃典更試山石時所編

聞聲價雞林重朝鮮使臣曾購君集不獨才名冠九州

篇篇目怵更心驚近接茶村遠屈平三楚風騷未衰歇端

期健筆作干城

等身著作邁金陀君著作已有三十七種手自披尋口自哦一角宜

南官菜地詩人此處王盟多君時寓官菜園上街

新詩讀到夜燈青孤露餘生未忍聽兩字宗風慚負荷不

堪往事憶趨庭原詩有昌谷宗風是祖庭句

香雪巢詩鈔

卷之六

月夜同鄭芝巖前輩由西苑步出右闕同至吏科待

曉偶紀

九陞封章下三霄皓月斜仗排天廐馬是日關帝廟行禮巢

宿禁林鴉愧附臺臣列難尋宦海涯掖垣同話舊等是滯

京華

輓高懿伯駕部夔尊

吾友知名早秋風振羽翰君舉兩鄉闈羅胸誇武庫作手占文

壇君工駢體文壯志千秋在春官一第難看君曾病榻語語總

悽酸余聞君病往看君已自知不起處分身後事甚悉

自哭劉蕡後

謂劉蓉伯孝廉

人琴慨並亡歌重聽薤露歲果厄黃

楊歸夢吳陵道羈魂古寺旁

時寓永光寺街

生平金石友凋謝劇

堪傷

君嗜金石文字每臨必相考證

松筠庵卽事

萬古芳徽在虛堂試共登春深花氣盞坐久客懷激訪勝
欣偕友逃名欲學僧一官慚諫院時事補何曾

題秋紅丈室詩集後

馬謖路曲聖湖邊林下風規憶昔年莫作女郎詩卷看半

參畫理半參禪

女史工畫

香雪巢詩鈔

卷之六

十七

生成梅月雙清品

集中有自題梅月雙清圖詩

來伴煙霞萬古樓

女史爲王

君仲瞿之室

佳麗湖山風雅偶今生福分幾生修

敬題彭剛直公墨梅卷子

大星一夕湘流隕嗚咽潮聲二月天今日焚香遺卷讀不
知是墨是雲煙

無復狂瀾資砥柱空餘熱血寫梅花問誰更具擎天手來
作千秋一畫家

端陽寓齋偶成

客中又值天中節莫負光陰退食餘觸熱懶投當道刺消

閒親校選樓書時秋樵前輩以阮文榴花映日紅疑染蒲
葉臨風綠乍舒尙憶畫船簫鼓不江鄉歸計問何如

俞佑萊銓部鍾頴惠鮮荔支口占誌之

登盤忽訝輕紅簇摘向南天品自殊畧似美人新浴後絳
紅衫子雪肌膚

題張夢蘭光畧揚芬詩稿

專聞威名照汗青翩翩裘帶景前型君先世以武進士起

載郡志及廣陵詩事中祇今尙有家風在一卷新詩紹祖庭家者凡七人多工詩

殘燈獨夜苦吟哦展卷真教喚奈何君詩多感慨到我亦

香雲巢詩鈔 卷之六

離人聽不得年來愁更比君多

喜江石卿明經山助來都卽席賦贈

難遣離思日暮雲射陽湖水綠沄沄一樽同聽宣南雨日

雨廿載重聯硯北羣座中姜子敬孝廉與匏繫宦情應慨

我首盤冷況豈宜君撥天終待江郎筆班馬香濃合共薰

松筠庵卽景

禪房幽邃遠塵囂長晝偏宜此處消爐篆初沈簾乍捲熟

梅天氣雨瀟瀟

近畿大水感作次洪石臣前輩原韻

倒峽傾盆水合流茫茫劫運使人愁自五月杪至六月上旬大雨不止永定河

亦盼將甘澍霑畿輔報到奇灾比鄭州一角漏天難補石

四郊陸地盡行舟何堪厄閏沿成例恒雨頻年抱隱憂康熙

乙酉京師大雨嘉慶己卯亦大雨均閏四月載香祖筆記及廳書堂筆錄今年乃閏二月也

紛紛蕩析更離居無計匡時獨愧子滿道灾黎攜老弱接

天駭浪躍龍魚相傳有河神至水始定淒涼圖畫監門册剗切宣防

賈讓書會見

恤民酬

帝念使星六道荷

香雪巢詩鈔 卷之六

親除時特簡京卿六員分在賑恤

口號寄諸弟

家書寫罷附吟箋兄弟相離十五年一事報君知老至客

衣八月已裝棉

程子明孝廉思煉惠寄茯苓賦此誌謝

上品參耆共筠籠遠寄將劇根猶帶潤抱木自含芳煮藉

紅爐火調成白玉漿酒杯茶鼎外消遣漏初長

修養非吾事年來老病侵怕看愁裏鬢深感故人心天末

裁書附空山荷鍾尋會當酬遠志巖穴有知音孝廉公車已再上矣

陳竹香同年存懋言庾嶺南北近栽梅樹萬株詩以

紀之立觀詩同辛辰陳香

嶺雲深鎖影橫斜十里郵亭萬樹花似此驛程風景好征
人應不悔天涯

傳來名勝畫難工更羨談經紙帳中梅作主人君作客一

般管領是春風同年曾王大庾書院講席故云

十一月十一日冬至大祀

天於

圓丘

香雪巢詩鈔 卷之六

聖駕親行恭紀

躬修大祀

翠華臨已是春光轉禁林千帳星懸平野肅萬松雲鎖曉

寒深特崇春風同平祀至大祀

享帝初禮壇上更壽海盤飛舞中舞計至人替計容一

親行典如見

祈年采實通神採十里應空萬樹芬四也觀舞風景披

默禱心忝附班聯同鶴立賤儒何幸列朝簪

讀同邑柿秋井文欲仁七十自壽詩賦此寄祝

弧南星吐九霄芒正值瑤篇遠寄將一角城西兵燹後那
知中有魯靈光

夙有傳家一片氈更饒茗椀與吟箋安貧即是延年訣不
學枯禪不羨仙

讀同邑張芟塘先生維楨石蘿山房詩鈔題後

白頭坐對一燈青到此槐黃夢已醒先生中副三科記向城西

騎竹馬路人爭指草元亭先生居西門外

載酒徵歌興未闌淋漓醉墨徧湖干殘山賸水乾嘉後展

向風前當畫看集中多詠道光朝吾揚風景

香雪巢詩鈔 卷之六

養之十弟北鼎以應童子試懷古諸作寄閱其詠梅

花嶺一聯云江山半壁留殘局冰雪千秋有異香頗

覺警切喜而賦此

江山半壁留殘局冰雪千秋有異香贏得使君親選卷一

時佳句播琴堂弟侍得前列

孤露餘生二十年醉經遺稿手曾編先人著作猶盈篋繼

起欣看有惠連

除夕偶成

又燒柏子飲屠蘇未必今吾勝故吾贏得清閒無箇事拈

毫試繪喜神圖

宋人有海
花喜神譜

香雪巢詩鈔卷六終

香雪巢詩鈔

卷之六



香雪巢詩鈔卷六終

香雪巢詩鈔卷六終



